



P R A V I L N I K
o utvrđivanju uslova i postupka za ostvarivanje prava na
banjsko - klimatsko liječenje branilaca i članova njihovih porodica

Tuzla, avgust 2021. godine

Na osnovu člana 12. stav (4) Zakona o dopunskim pravima branilaca i članova njihovih porodica, drugi prečišćeni tekst („Službene novine Tuzlanskog kantona“, broj: 10/20), a u vezi sa članom 35. Odluke o proširenom obimu prava iz oblasti zdravstvene zaštite branitelja i članova njihovih porodica („Službene novine Tuzlanskog kantona“, broj:11/20), Ministarstvo za boračka pitanja Tuzlanskog kantona donosi

P R A V I L N I K

o utvrđivanju uslova i postupka za ostvarivanje prava na banjsko i klimatsko liječenje branilaca i članova njihovih porodica

Član 1.

(Predmet)

(1) Ovim Pravilnikom se utvrđuju uslovi, način i postupak ostvarivanja prava na banjsko - klimatsko liječenje (medicinska rehabilitaciju), korisnici prava, zaključivanje sporazuma o poslovnoj saradnji radi obezbjeđivanja pružanja usluga banjsko - klimatskog liječenja branilaca i članova njihovih porodica, i druga pitanja od značaja za ostvarivanje ovog prava.

(2) Banjsko - klimatsko liječenje (medicinska rehabilitacija)(u daljem tekstu: banjsko - klimatsko liječenje) se može obavljati ambulatno ili u specijalizovanim zdravstvenim ustanovama, zdravstvenim ustanovama u kojima se u liječenju primjenjuje i prirodni faktor, drugim zdravstvenim ustanovama u kojima se liječenje obavlja pretežno prirodnim faktorom, kao i u ustanovama i privrednim društvima osnovanim za liječenje, odmor i rekreaciju u kojima se u liječenju primjenjuje prirodni faktor (u daljem tekstu: banjsko - klimatska lječilišta).

Član 2.

(Finansijska sredstva)

(1) Finansijska sredstva za ostvarivanje prava na banjsko - klimatsko liječenje obezbjeđuju se u Budžetu Tuzlanskog kantona (u daljem tekstu: Budžet), na poziciji Ministarstva za boračka pitanja Tuzlanskog kantona (u daljem tekstu: Ministarstvo) u skladu sa programom korištenja prava sredstava za realizaciju dopunskih prava i ostalih izdvajanja sa kriterijima za raspodjelu korisnicima boračko - invalidske zaštite koji donosi Vlada Tuzlanskog kantona (u daljem tekstu: Vlada Kantona), na prijedlog Ministarstva.

(2) Pravo iz stava (1) ovog člana ostvaruje se u skladu sa raspoloživim budžetskim sredstvima.

Član 3.

(Odluka)

(1) Ministar za boračka pitanja Tuzlanskog kantona (u daljem tekstu: ministar), nakon donošenja programa iz člana 2. stav (1) ovog pravilnika, za svaku budžetsku godinu donosi odluku o visini koštanja B.O. dana za banjsko - klimatsko liječenje korisnika prava iz člana 7. ovog pravilnika.

(2) Odlukom iz stava (1) ovog člana utvrđuje se i visina koštanja smještaja i ishrane za pratioca iz člana 9. ovoga pravilnika.

Član 4.

(Cijena koštanja banjsko opskrbnog dana)

(1) Za korisnika prava iz člana 7. ovog pravilnika, B.O dan u banjsko - klimatskom lječilištu podrazumijeva obezbjeđen pregled kod ljekara, terapije koje propiše ordinirajući ljekar prilikom prvog i kontrolnog pregleda u skladu sa nalazom (elektroterapija, termoterapija, magnetoterapija, kineziterapija, hidroterapija i dr.), upotreba bazena, smještaj u dvokrevetnim ili trokrevetnim sobama i tri obroka dnevno.

(2), Za korisnika prava iz člana 7. ovog pravilnika, u slučaju ambulatnog liječenja, B.O dan podrazumijeva obezbjeđen pregled kod ljekara, terapije koje propiše ordinirajući ljekar prilikom prvog i kontrolnog pregleda u skladu sa svojim nalazom (elektroterapija, termoterapija, magnetoterapija, kineziterapija, hidroterapija i dr.) i upotrebu bazena.

Član 5.
(Sporazum)

(1) Nakon donošenja odluke iz člana 3. ovog pravilnika, Ministarstvo za svaku budžetsku godinu sa banjsko - klimatskim lječilištima zaključuje sporazume o regulisanju međusobnih odnosa radi obezbjeđivanja pružanja usluga banjsko - klimatskog liječenja branilaca i članova njihovih porodica sa područja Tuzlanskog kantona na teret sredstava Budžeta (u daljem tekstu: sporazum).

(2) Sporazum iz stava (1) ovog člana važi isključivo za budžetsku godinu u kojoj je potpisan.

Član 6.
(Imenovanje vanjskog saradnika)

(1) Ministar imenuje ljekara specijalistu fizikalne medicine i rehabilitacije, za vanjskog saradnika, koji za Ministarstvo daje stručno mišljenje o medicinskim indikacijama i potrebi za upućivanjem na medicinsku rehabilitaciju u banjsko-klimatskom lječilištu korisnika prava.

(2) Mišljenje ljekara o medicinskim indikacijama je osnov za donošenje odgovarajućeg rješenja.

(3) U postupku odlučivanja ljekar može tražiti da se dopuni ili obnovi medicinska dokumentacija na osnovu koje se odlučuje o potrebi upućivanja na banjsko - klimatsko liječenje.

Član 7.
(Korisnici prava)

Pravo na medicinsku rehabilitaciju u banjsko-klimatskom lječilištu ili ambulantno ima:

- a) ratni vojni invalid,
- b) dobitnik ratnog priznanja i odlikovanja,
- c) nosilac „Partizanske spomenice 1941. godine“,
- d) demobilisani branilac i
- e) član porodice šehida-poginulog branioca.

Član 8.
(Uslovi za banjsko - klimatsko liječenje za korisnike prava)

(1) Ratni vojni invalid, dobitnik ratnog priznanja i odlikovanja i nosilac „Partizanske spomenice 1941. godine“ ima pravo na medicinsku rehabilitaciju u banjsko-klimatskom lječilištu, ukoliko je prema medicinskim indikacijama takvo liječenje neophodno i pod uslovima predviđenim članom 13. Zakona o dopunskim pravima branilaca i članova njihovih porodica, drugi prečišćeni tekst („Službene novine Tuzlanskog kantona“, broj: 10/20, u daljem tekstu: Zakon).

(2) Izuzetno od odredbi stava (1) ovog člana, ratni vojni invalid-lice sa paraplegijom, ima pravo na banjsko-klimatsko liječenje jedanput u kalendarskoj godini bez obzira na medicinske indikacije.

(3) Demobilisani branilac i član porodice šehida-poginulog branioca ima pravo na medicinsku rehabilitaciju u banjsko-klimatskom lječilištu, samo ukoliko je prema medicinskim indikacijama takvo liječenje neophodno kao nastavak bolničkog liječenja, pod uslovom da to pravo ne može ostvariti po drugom osnovu, što dokazuje dokumentacijom izdatom od Zavoda zdravstvenog osiguranja Tuzlanskog kantona (u daljem tekstu: Zavod).

Član 9.
(Pratilac)

(1) Korisniku prava se iz člana 7. ovog pravilnika, u slučaju potrebe, može se odobriti pratilac u vrijeme odlaska i povratka iz banjsko - klimatskog lječilišta.

(2) Izuzetno, korisniku prava iz člana 7. ovog pravilnika, može se odobriti stalno prisustvo pratioca za vrijeme trajanja medicinske rehabilitacije, kojem se osigurava smještaj i ishrana u banjsko - klimatskom lječilištu.

(3) Osnov za odlučivanje o vrsti i potrebi pratioca je stručno mišljenje lica iz člana 6. ovog pravilnika.

Član 10.

(Podnošenje zahtjeva)

(1) Korisnici iz člana 7. tačke a), b) i c) ovog pravilnika zahtjev za medicinsku rehabilitaciju u banjsko-klimatskom lječilištu podnosi putem nadležne gradske/općinske službe za boračko invalidsku zaštitu (u daljem tekstu: Služba), prema mjestu prebivališta podnosioca zahtjeva, u zavisnosti od iskazane potrebe

(2) Izuzetno od stava (1) ovog člana korisnici iz člana 7. tačke d) i e) ovog pravilnika, zahtjev za medicinsku rehabilitaciju u banjsko-klimatskom lječilištu podnosi putem nadležne Službe, najkasnije u roku od 60 dana od dana otpusta sa bolničkog liječenja.

(3) Zahtjev za ostvarivanje prava iz stava (1) i (2) ovog člana se podnosi na propisanom obrazcu, koji je sastavni dio ovog pravilnika (Anex I.) i to najkasnije do 31.10. tekuće godine.

(4) Zahtjevi za ostvarivanje prava iz stava (1) i (2) ovog člana važe za budžetsku godinu u kojoj su podneseni.

Član 11.

(Obavezna dokumentacija za ostvarivanje prava na banjsko - klimatsko liječenje)

(1) Uz zahtjev iz člana 10. ovog pravilnika dostavlja se dokumentacija koja je navedena u prilogu ovog pravilnika (Anex II.), koji je sastavni dio istog.

(2) Dokumentacija iz stava (1) ovog člana se dostavlja u originalu ili u ovjerenoj fotokopiji i ne može biti starija od 30 dana od dana podnošenja zahtjeva, izuzev otpusnice ili otpusnog pisma sa bolničkog liječenja, koje ne može biti starije od 60 dana od dana otpusta iz bolnice za demobilisanog branioca i člana porodice šehida-poginulog branioca.

Član 12.

(Postupak za ostvarivanje prava)

Kompletiran zahtjev sa potrebnom dokumentacijom iz člana 11. stav (1) ovog pravilnika, Služba dostavlja Ministarstvu, najkasnije u roku od 15 (slovima: petnaest) dana od dana prijema zahtjeva.

Član 13.

(Prvostepeni postupak)

(1) Podnosilac zahtjeva koji ne ispunjava uslove iz člana 8. ovog pravilnika, odbija se odgovarajućim rješenjem Ministarstva.

(2) Spis predmeta podnosioca zahtjeva koji ispunjava uslove iz člana 8. ovog pravilnika razmatra lekar iz člana 6. ovog pravilnika, radi davanja stručnog mišljenja u pogledu potrebe za upućivanjem na medicinsku rehabilitaciju u banjsko-klimatskom lječilištu, a prema priloženoj medicinskoj dokumentaciji.

(3) Na osnovu stručnog mišljenja lekara iz stava (2) ovog člana i nadzora u pogledu ispunjavanja uslova iz člana 8. ovog pravilnika, Ministarstvo donosi odgovarajuće rješenje.

(4) Rješenjem se određuje: dužina trajanja banjsko - klimatskog liječenja; visina participacije po B.O. danu za korisnika prava kao i za pratioca, način korištenja medicinske rehabilitacije, spisak banjskih lječilišta sa kojima Ministarstvo ima zaključen sporazum; početak realizacije ostvarivanja prava i rok važenja rješenja, kao i eventualno pravo na potrebu za pratiocem.

Član 14.

(Odlučivanje po žalbi)

(1) Protiv rješenja Ministarstva iz člana 13. stav (1) i (3) ovog pravilnika, podnosilac zahtjeva ima pravo žalbe u roku od 15 dana od dana dostavljanja rješenja.

(2) Po žalbi izjavljenoj protiv rješenja Ministarstva rješava Komisija za drugostepeno upravno rješavanje Vlade Kantona.

(3) Protiv rješenja donesenog u drugom stepenu može se pokrenuti upravni spor kod nadležnog suda.

Član 15.

(Vremenski termini upućivanja na banjско - klimatsko liječenje)

(1) Vremenski termin (datum i mjesec) korištenja ovog prava u banjско - klimatskom lječilištu dogovara korisnik prava sa banjско - klimatskim lječilištem, isključivo onima sa kojim Ministarstvo ima potpisan Sporazum.

(2) Početak realizacije za ostvarivanje prava je 30 dana od dana prijema rješenja od strane korisnika prava.

(3) Trajanje banjско - klimatskog liječenja za korisnike iz člana 8. stav (1) i (3) je maksimalno do 14 dana, prema mišljenju ljekara iz člana 6. ovog pravilnika.

(4) Trajanje banjско - klimatskog liječenja za korisnike iz člana 8. stav (2) je najduže do 21 dan.

(5) Pravo na medicinsku rehabilitaciju u banjско - klimatskom lječilištu odobrava se jednom u toku budžetske godine.

Član 16.

(Ravnopravnost spolova)

Sve imenice koje se odnose na nosioce pojedinih prava, upotrebljene u ovom pravilniku samo u muškom ili samo u ženskom rodu, odnose se na oba spola.

Član 17.

(Prijelazne odredbe)

Postupci za ostvarivanje ovog prava koji su započeti do dana stupanja na snagu ovog pravilnika, bit će okončani po odredbama ranijeg pravilnika.

Član 18.

(Prestanak primjene ranijih propisa)

Danom stupanja na snagu ovog pravilnika prestaje važiti Pravilnik za utvrđivanje prava na banjско i klimatsko liječenje (medicinska rehabilitacija) broj: 15/1-02-017540-20 od 01.10.2020. godine.

Član 19.

(Stupanje na snagu pravilnika)

Ovaj pravilnik stupa na snagu danom objave na web stranici Vlade Kantona.

Broj: 15/1- 02-026503/21
Tuzla, 10.08.2021. godine



Broj Pravilnik je objavljen na WEB stranici
Vlade Tuzlanskog kantona, dana 10. 08. 2021. god.

(Signature)

Anex I.

_____ (prezime, ime oca, ime)

_____ (adresa stanovanja-ulica, broj, poštanski broj i mjesto)

_____ (broj kontakt telefona)

MINISTARSTVO ZA BORAČKA PITANJA TUZLANSKOG KANTONA

- Ulica Rudarska 57, 75 000 Tuzla -

putem

Služba za boračko-invalidsku zaštitu grada /općine _____

**PREDMET: Zahtjev za upućivanje na banjско - klimatsko liječenje
(medicinsku rehabilitaciju),**

Molim navedeni Naslov da mi odobri banjско - klimatsko liječenje (medicinska rehabilitacija) u skladu sa odredbama člana 12.-13. Zakona o dopunskim pravima branilaca i članova njihovih porodica, drugi prečišćeni tekst („Službene novine Tuzlanskog kantona“, broj: 10/20) i članom 35. Odluke o proširenom obimu prava iz oblasti zdravstvene zaštite branilaca i članova njihovih porodica, („Službene novine Tuzlanskog kantona“, broj: 11/20), obzirom da imam status:

- a) ratnog vojnog invalida ili,
- b) dobitnika ratnog priznanja i odlikovanja ili,
- c) Nosilac „Partizanske spomenice 1941“ - poslednje rješenje na snazi ili,
- d) demobilisanog branioca ili
- e) člana porodice šehida-poginulog branioca.

(zaokružiti status korisnika)

Uz zahtjev prilažem:

1. Dokaz o pripadnosti boračkoj populaciji, u zavisnosti od statusa, i to:
 - a) ratni vojni invalid: posljednje rješenje na snazi i nalaz i mišljenje revizione ljekarske komisije,
 - b) dobitnik ratnog priznanja i odlikovanja - posljednje rješenje na snazi,
 - c) nosilac „Partizanske spomenice 1941“ - posljednje rješenje na snazi
 - d) demobilisani branilac - uvjerenje o dužini učešća u OS BiH (uvjerenje FMB-3)
 - e) član porodice šehida - poginulog branioca - posljednje rješenje na snazi
2. CIPS prijavu ili kopiju lične karte,
3. Za sve podnosiocе zahtjeva:
 - a) nalaz ljekara specijaliste fizikalne medicine i rehabilitacije o potrebi banjско - klimatskog liječenja, ne stariji od 30 dana od momenta podnošenja zahtjeva
4. Otpusnica ili otpusno pismo sa bolničkog liječenja, ne starije od 60 dana od dana otpusta iz bolnice, sa preporukom o potrebi nastavka banjско - klimatskog liječenja (medicinska rehabilitacija) za:
 - b) demobilisanog branioca i
 - c) člana porodice šehida-poginulog branioca.
5. Dokaz Zavoda zdravstvenog osiguranja da se pravo na banjско - klimatsko liječenje ne može ostvariti putem zavoda, i to za:
 - a) demobilisanog branioca i
 - b) člana porodice šehida - poginulog branioca

NAPOMENA:

Priložena dokumentacija od tačke 1. do 5. ne može biti stariji od 30 dana od momenta podnošenja zahtjeva, izuzev tačke 4.

svojeručni potpis podnosioca zahtjeva

ANEX II.

PRILOG
POPISA POTREBNE DOKUMENTACIJE

Rb	Status podnosioca zahtjeva i naziv potrebnog dokumenta	Organ koji ga izdaje
1.	za korisnika prava u statusu ratnog vojnog invalida, kumulativno dva dokaza i to: <i>a) posljednje rješenje na snazi i</i> <i>b) nalaz i mišljenje revizione ljekarske komisije</i> (original ili ovjerena fotokopija)	Gradska/općinska služba nadležna za boračko invalidsku zaštitu
2.	za korisnika prava u statusu dobitnika ratnog priznanja i odlikovanja: - <i>posljednje rješenje na snazi</i> (original ili ovjerena fotokopija)	Federalnog ministarstva za pitanje boraca i invalida odbrambeno oslobodilačkog rata
3.	za korisnika prava u statusu demobilisanog branioca: - <i>uvjerenje FMB-3 o dužini učešća u OS BiH</i> (original ili ovjerena fotokopija)	Odsjek za pitanja iz oblasti vojne evidencije, Grupe za pitanja iz oblasti vojne evidencije
4.	za korisnika prava u statusu, člana porodice šehida-poginulog branioca: - <i>posljednje rješenje na snazi</i> (original ili ovjerena fotokopija)	Gradska/općinska služba nadležna za boračko invalidsku zaštitu
5.	CIPS prijava ili fotokopija lične karte (original ili ovjerena fotokopija)	Ministarstvo unutrašnjih poslova Tuzlanskog kantona
6.	Za sve podnosiocce zahtjeva: - <i>nalaz ljekara specijaliste fizikalne medicine i rehabilitacije o potrebi banjско klimatskog liječenja, ne stariji od 30 dana od momenta podnošenja zahtjeva</i> (original ili ovjerena fotokopija)	JZU UKC ili druge Javna zdravstvena ustanova
7.	Za demobilisanog branioca i člana porodice šehida-poginulog branioca: - <i>otpusnica ili otpusno pismo sa bolničkog liječenja ne starije od 60 dana od momenta podnošenja zahtjeva</i> (original ili ovjerena fotokopija)	JZU UKC ili druge Javna zdravstvena ustanova
8.	Za demobilisanog branioca i člana porodice šehida - poginulog branioca: - <i>uvjerenje ne starije od 30 dana od momenta podnošenja zahtjeva da pravo na banjско klimatsko liječenje ne može ostvariti po drugom osnovu</i> (original ili ovjerena fotokopija)	Zavod zdravstvenog osiguranja Tuzlanskog kantona

Ministarstvo za boračka pitanja
Tuzlanskog kantona